

Vnde dvrch weawe. dar der phaffe da bi.

Myge wizzē obe sein svnt.

S ei chlein. ode grōz zeder svnt.

S o mag er danne wol geben rat.

Anders man niht vervangen hat.

Nimen nahtes stelen wolde.

Trāvt er dar man in haben solde.

Des tages wir teten niht. wesse wir war vns geschicht

Vnde war vns geschehen sol

S wann dem gvten geschicht wol

Daz wir ave gelouben niht. vnser herren gericht.

Da tv wir an vil vnreht.

Vnde boesern da mit vnser reht.

Ob vnser gelarbe were baz.

Nah got vnde nah eren wizzet dar

Daz ez vns moecht liep wesen

Wi solen wir also genesen.

Od wi sol ez sten vmb vnser leben.

Wan di vns solten geben.

Erzeneie di sint ersiecht

Di vns solten tragen dar lieht

Vor di gent getri bei der vinsten

Dev zefwe hant ist worden winsten.

Dev leinber sind zewolven wæden.

Vnser dehamer behalt sein ordien.

Der phaffe beweist niht als er sol.

Der laie volget niht zewol.

A mer ist vnweise der ander vor

A mer veller hinnen der ander vor.

Nimen ir deharnen hebt. An tegeteich zewall strebt.

Die phaffen eilent hin zeder helle

Di laien di sint also schnelle.